



An Ng'a Ma

RUOTH

Ne Nyalo

Tho Makara?

Ondik Gi Watson Goodman

Nono—Ok Ngiew

AN NG'A?

Jachuech wa ong'e gima wan, kendo okete te e Muma Maler ma wanyalo yude "Ng'a Noloswa", "Gima Ne Wabedo", "Kuma Mano Ochikowa", gi "Gima Wanyalo Bedo" ka wayie resruok mar Nyasaye.

Jomoko ok ong'eyo kony mar Nyasaye. Jomoko to ong'eye matin kendo dwarore ni mondo gi non tiende matut. Jomoko bende kedo mondo kik resgi gi Nyasaye, to jomoko to kawo gi chuny gi te kendo gi yudo ni ko resgi to gi bedo ei Kristo ng'at man gi ngima maber manyaka chieng'.

Chunya mochwere romre mana kaka aweyo Jachuechna olose owuon. Tiende ni sandruok e mach Manyaka chieng ka tamora winjo wachne kata yie kendo kawo wachne mamiyo wabedo kanyakla kode kaka jakonyne e kom duongne Manyaka chieng'!

—Watson Goodman (1920-2002)

DWARO MAR NYASAYE KUOM CHUEYO DHANO 1

Nobed Gi Jakony Manyakachieng

Isaya 62.5

Ni mar kaka wuowi okendo nyako e, kaka yawuoti nokendi: kendo kaka wuon kiseru omor gi miaha, e kaka Nyasachi nomor kodi.

Mathayo 25.1, 6

E kaka pinyruodh polo noporre kod nyiri apar, ma nokawo techegi, kendo nowuok mondo girom ni wuon kiseru... To odiewuor tir koko nowuok niya, Neuru, wuon kiseru biro! Wuoguru mondo uromne.

Kristo Woun Kiseru

Ng'ato man gi miaha en wuon

kiseru; to osiep wuon kiseru, mochung ka winje, omor ngang' nikech dwond wuon kiseru. E kaka mornani ochopo. —Johana 3.29

2 Jo Korintho 11.2

An gi nyiego kuomu, nyiego mar Nyasaye, nikech natimou osiep kod Kristo, mondo ateru ire ka nyako maler ir chwore.

Mathayo 9.15

Yesu nowachonigi niya, Jokiseru nyalo nadi ywak ka wuon kiseru pod ni kodgi? To ndalo nobi ka wuon kiseru nogol kuomgi, eka giniri kech.

2 MA EMOMIYO NYASAYE OCHUEYO DHANO E KIDO MACHAL KODE

*Onge Chuech Manie E Bwo Dhano
Mane Oromo Bedo Jakonyne*

Chakruok 1.27

Kamano Nyasaye nochweyo dhano gi kite owuon, nochweye e kido machalo kode; nochweyogi dichwo gi dhako.

Jo Efeso 1.4

Kuom herane noyierowa e Kristo ka piny ne pok ochue, mondo wabed maler kendo ma onge mbala e nyime.

Yie Mowinjore Bet Gi Nyasaye

... mondo kuomgi udok jo ma kawo kit Nyasaye, ... —2 Petro 1.4 ... gi janeno mar masiche

Kristo, kendo bende an gi pok e duong mibiro elo.—1 Petro 5.1 ... kendo giduto gikawo singruok e yor Wach Maber. —Jo Efeso 3.6 ... mosemiyo ubet jo mowinjore chamo giken i mage kaachiel gi jo maler e pinyruodh ler —Jo Kolo-sai 1.12 ... nikech jo ma neno ber kuom tije ma gitiyo, gin jo moyie ma gihero. —1 Timotheo 6.2 Ni-mar wan jo ma lalore gi Kristo. ... —Jo Hibrania 3.14 ... mi gi-seyudo Roho Maler. —Jo Hibra-nia 6.4 ... ni mondo wadok jo maler kaka en bende oler. —Jo Hi-brania 12.10

Chakruok 9.6

... nikech nochweyo dhano e kit Nyasaye.

Tich Joote 17.24, 25, 26, 27-29

Nyasaye ma nochueyo piny gi gik moko duto manie iye, ... nikech en owuon e mochiwo ni duto ngima, gi muya, gi gik moko duto. Kendo kuom ng'at achiel nochueyo ogendini duto mag ji, ... Ne dwarore mondo gimany Nyasaye ni miti di girom kode kendo nwang'e, to adier ok obor kodwa ng'ato ka ng'ato. Nikech kuom en wangima, kendo wawuotho, kendo wantie; kaka johug wendeu bende nowacho niya, Nimar wan bende wan

kothe. Kwabedo koth Nyasaye, ok owinjore wapar ni Nyasaye chal gi dhahabu, kata fedha, kata kidi mopa kuom lony gi rieko mar dhano.

Adam Mane Olosi E Kido Mar Nyasaye, Nyaka Bed Ni Nonyiso Duong, Kaka, Mar Nyasaye

1 Ruodhi 8.11

Ma jodolo ne ok nyal chungo mar timo tichgi nikech bor polo; nikech duong' mar Jehova nopong'o od Jehova.

Mathayo 17.1, 2

Yesu ... kido mare nolokore e nyimgi; mi wang'e norieny kaka wang' chieng', to lepe nodoko matar kaka ler mar chieng.

Ochue Kaka Nyasaye Maler

Nikech nondiki niya, Unubed maler, nikech aler. —1 Petro 1.16

Tamruok Winjo Wach Nokelo Pogruok

Nimar kaka ji mang'eny nodoko joricho nikech ng'at achiel nodagi winjo wach, e kaka ji mang'eny noket kare nikech ng'at achiel nowinjo wach. —Jo Rumi 5.19

Nimar ji duto osekeho, kendo girem kuom duong' mar Nyasaye. —Jo Rumi 3.23

Koro Jamriambo Kendo Nigi Paro Maricho

Chuny dhano otimo wuond

motamore nono, en gi tuwoche mang'eny: ng'ano manyalo ng'eye? —Yeremia 17.9

Kendo Nyasaye noneno kaka tim maricho mag dhano nogundho e piny, kendo paro duto mar chunye ne rach pile.

—Chakruok 6.5

Nyasaye Kwedo Joricho

... Akiya ku muae; auru kuoma, un duto ma timo maricho.

—Luka 13.27

Dhano Olal E Mudho

Ma e bura, ni ler osedonjo e piny, to ji nohero mudho moloyo ler, nikech timbegi ne richo.

—Johana 3.19

Ringruok Ma Ok Ler

Ni mar wan duto wasedoko ka ng'ato ma ok ler, kendo timbewa makare duto ochal gi lewini motimo chilo: kendo wan duto walal nono kaka oboke; kendo timbewa mamono gigolowa oko kaka yamo.

—Isaya 64.6

An Gi Tho Mosiko

Kaka richo nobiro e piny kuom ng'at achiel, kendo tho nobiro e piny kuom richo, kamano bende tho nobiro ni ji duto, nikech ji duto ne otimo richo.

—Jo Rumi 5.12

Ose Ng'ad Na Bura

Kaka ketho achiel nomiyo bura

oloyo ji duto, kamano bende tim makare achiel keto ji duto kare.

—Jo Rumi 5.18

Richo Otueya

To e fuondena aneno chik machielo ka kedo gi chik mantie e parona, kendo oketa abed misumba richo modak e fuondena.

—Jo Rumi 7.23

Richo Kelo Pogruok Gi Nyasaye

To richou e mosepogou gi Nyasachu

—Isaya 59.2

An Janeno Ni Nyasaye

Omiyo ng'ato ka ng'ato kuomwa nowach wach man kuome owuon ni Nyasaye.

—Jo Rumi 14.12

*E Ringruok Mar Richo, Achal Gi
Lo, Lum, Gi Muya*

Isaya 64.8

To koro, A Jehova, in e wuon-
wa, wan lop agulu, in jachwechwa;
kendo wan duto wan tich lueti.

1 Petro 1.24

Nikech: Ringruok duto chalo gi
lum, kendo duong'ne duto chalo gi
thiepe mag lum; lum ner, kendo
thiepe two.

Jakobo 4.14

To ukiya gi ma kiny notimre.
Ngimau en ang'o? Un mana muya
mineno e kinde matin, to ae olal.

*Anyalo Bedo Gi Ngima Mochwere
Kuom Kristo*

Johana 11.26

Kendo ng'at mangima, koyie
kuoma, ok notho nyaka chieng'.
Iyie ma?

1 Johana 5.10, 11

Ng'a moyie kuom Wuod Nya-
saye, en gi wach neno e iye. Ng'a
ma ok oyie Nyasaye, miye odoko
jamiriambo, nikech ok oseyye
wach neno ma Nyasaye nowacho
kuom Wuode. To wach neno e ma:
ni Nyasaye nomiyowa ngima ma
nyaka chieng', kendo ngimano ni
e i Wuode.

... nyaka Ruodhwa Yesu Kri-
sto noduogi. . . . En Ruodh ruodhi,
kendo en Jaloch mar joloch duto;
en kende e ma ok onyal tho, kendo
odak e ler ma dhano ok nyal cho-
poe; en Ruoth ma onge dhano
moseneno, kata ma nyalo neno.
Pak gi loch obedne nyaka chieng'.
Amina. —1 Timotheo 6.14, 15, 16

Zaburi 24.7-10

A un dhorangeye, ting'uru wiyu
malo; kendo oting'u malo, un
thike ma nyaka chieng': Kendo
Ruoth ma duong'ne ler nodonjie.
Ruoth ma duong'ne ler en ng'ano?
En mana Jehova Jateko, kendo
ma nyalone duong', en ma nya-
lone duong' e lweny. A un dho-

rangepye, ting'uru wiyu malo; ee,
ting'giuru malo, un thike ma
nyaka chieng'; kendo Ruoth ma
duong'ne ler nodonjie. Ruodhno
ma duong'ne ler en ng'ano? En
mana Jehova mar ogend lweny, en
e Ruoth ma duong'ne ler.

Ruodhni Nobed Ruoth E Piny Mangima

Kendo nobedi ni, e ndalono pi
mangima nowuogi e Jerusalem;
dire kulchiel nochik nam yo ugwe,
kendo dire machielo nochik nam
yo imbo: nobedie e ndalo mag oro
gi mag chwiri be. Kendo Jehova
nobed ruodh piny ngima: ndalono
Jehova nobedi achiel, kendo ny-
inge achiel. —Zekaria 14.8, 9

Johana 18.36, 37

Yesu nodwoko niya, Pinyruodha ok mar piny ka. Ka da pinyruodha en mar piny ka, da jotich-na okedo, mondo kik oketa e lwet jo Yahudi; to koro pinyruodha ok en mar ka. Pilato nopenje niya, Kare in ruoth? Yesu nodwoko ni, In iwacho ni an ruoth. Gi momiyo nonywola, kendo gi momiyo nabiro e piny ka, en ni mondo abed janeno kuom adiera. Ng'ato ka ng'ato man kuom adiera winjo dwonda.

Mariko 14.61, 62

To en noling', ne ok odwoko gimoro. Jadolo maduong' nopenje

kendo niya, In e Kristo, Wuod Ng'a Mipako koso? Yesu nodwoko ni, E an; to unune Wuod dhano kobet piny e bat korachwich mar Teko, kendo kobiro gi boche polo.

Mathayo 25.31, 34

To ka Wuod dhano nobi e duong'ne maler, gi malaika duto kode, nobed e kom duong'ne maler, . . . Eka Ruoth nowach ni jogo manie bade korachwich niya, Biuru, un jo moguedhi mag Wuora, chamuru giken ni mar pinyruodhno moiknu nyaka a chakruok piny.

Jo Hibrania 1.8

To kuom Wuode owacho kama, a Nyasaye, kom ruodhi en ma nyaka chieng', kendo loch mar pinyruodhi en loch makare.

Daniel 4.37

Koro an Nebukadereza apako Ruoth manie polo, adende, amiye duong'; ni mar tije duto gin adiera, kendo opogo bura kare e yorene duto: mi jogo mawuotho gi sungruok onyalo miyogi dok chien.

Mathayo 18.3, 4

Kendo noko niya, Adier awachonu ni, ka ok ulokru, kendo udok kaka nyithindo matindo, ok unudonj e pinyruodh polo ngang'.

Kamano, ng'at modoko mamuol kaka nyathi matinni, jalo e ma nobed maduong' molojo e pinyruodh polo.

Fweny 11.15

Loch mar pinyni osedoko loch mar Ruodhwa, kendo mar Kristone, to enolochi nyaka chieng'.

Jo Efeso 1.18, 19

Mondo wang' chunyu oyawre, ung'e geno manadi ma oluongoue, kod mwandu mar gikeni mage man gi duong', man kuom jo maler, gi duong' mokadh'o awacha mar tekone kuom wan jo ma yie. Mano e kaka tich mar tekone maduong' obet.

Johana 17.2

Nimar nimiye teko kuom ji duto mondo omi ji duto ma nimiye ngima mochwere.

1 Petro 3.22

Mosedhi e polo, ma bet kor bat-marachwich mar Nyasaye, koket malaika gi loch gi teko owinje.

Jo Efeso 1.20-23

Ma notimo kuom Kristo ka nochiere a kuom jo motho, mokete obet e bade korachwich e polo. Obedo malo ahinya ni loch duto, gi teko duto, gi nyalo duto kod bet ruoth, kod nying' duto mag duong', ok e pinyni kende, to e pinyno ma biro bende. Noketo gik

moko duto e tekone mondo giwinje, kendo ne omiye doko ruodh gik moko duto ni kanisa. Kanisa e ringre Kristi, mopong'o, kendo en owuon e mopong'o gik moko duto.

Johana 2.24, 25

To Yesu ne ok ogenogi, nikech nong'eyo ji duto; kendo ne ok odwar mondo nyise kuom dhano, nimar en owuon nong'eyo mantie ei i dhano.

Johana 17.23

An e igi, kendo in e iya, mondo omigi bet achiel chuth; mondo piny ong'e ni niora, kendo ni niherogi kaka nihera.

Fweny 5.12

... Owinjore Nyarombo ma noyang' oyud teko gi mwandu, kod riekoko gi nyalo, kod luor gi duong' kod pak.

Mathayo 28.18

Yesu nobiro irgi, mokonigi niya, Teka duto e polo gi piny osemya.

1 Jo Korintho 1.24

To kuom jo moluongi, jo Yahudi gi jo ma ok jo Yahudi, Kristo en teko Nyasaye, kendo riekoko Nyasaye.

1 Jo Korintho 8.6

Wan to, wan gi Nyasaye achiel, e Wuoro; ma gik moko duto oa kuome, kendo wantie nikech en;

kendo nitie Ruoth achiel, Yesu Kristo, momiyoko gik moko duto nitie, kendo omiyoko wantie.

Fweny 11.17

Ka giwacho niya, Wagoyoni erokamano, A Ruoth Nyasaye Manyalo Duto, Mantie, kendo ma ne nitie, Nikech isekawo teko mari maduong', mi ichako locho.

Jo Kolosai 2.2, 3

Akedo kamano ni mondo ojiw chunyi, giriwre kuom hera, gibed gi mwandu duto ma ng'eyo chuth kelo. Kamano gining'e wach ma noumno mar Nyasaye, ma en Kristo owuon. Mwandu duto mag riekoko kod ng'eyo okan kuome.

Zaburi 72.8, 11

Nobedi gi loch bende nyaka a atarongala nyaka atarongala, kendo nyaka a Aorano nyaka tunge pinje. . . . Ee, ruodhi duto nopodh e nyime: Ogendini duto notine.

Zaburi 2.2-4, 6-8

Ruodhi mag piny giketore, kendo joloch gihondho wach kaachiel, kuom mon gi Jehova, kendo gi ng'ate mowir gi mo, ka giwacho, wachoduru tondegi, kendo wito undegi a kuomwa. Jal mobet e polo nonyier; Ruoth nobwongi. . . . To kata kamano aseketo ruodha e

goda maler mar Sayun. Anahul wach chik: Jehova nowachona ni, In e wuoda; tinendeni asenywoli. Kwaya, kendo anachiwni ogendini, gibedi gikeni mari, gi kuonde mag piny man ku mabor ahinya, ibedi wuongi.

Yeremia 10.7, 10

Ere ng'a ma dodagi luori, A in Ruodh ogendini? ni mar luor e mo-winjoreni: ni mar onge machal kodi, kata kuom jo mariek duto mag ogendini, kata kuom ruodhegi duto. . . . To Jehova en e Nyasaye maradier; en e Nyasaye mangima, en ruoth mochwere

Zaburi 95.3

Nimar Jehova en Nyasaye ma-duong', kendo en Ruoth ma-duong' molooyo nyiseche duto.

Mathayo 24.30

Eka ranyis mar Wuod dhano nonere e polo; dhouidi duto mag piny noywagre, kendo ginine Wuod dhano ka biro e wi boche polo kod teko gi duong' maler mang'ongo.

Fweny 4.11

Yaye Ruodhwa kendo Nyasachwa, Iwinjori nwang'o duong' gi pak gi teko; nikech in e ma nichueyo gik moko duto, kendo dwaroni omiyo gintie, kendo no-chuegi.

An Jehova; ma e nyinga: duong' maler ma ango ok anami ng'at moro, ok anayie kit gik moko mopa giyud pakna. —Isaya 42.8

Ruoth mochwere oyud pak; en Ruoth ma ok tho, ma ok ne, ma en e Nyasaye kende; duong' obedne nyaka chieng'. Amina.

—1 Timotheo 1.17

Bedo Kanyakla Gi Jakonyne

An namiyogi duong' ma ne imiya, mondo gibed achiel, kaka wan achiel. —Johana 17.22

Akwano ni masich ndalogi ok en gimoro kiporo gi duong' mibiro elonwa. —Jo Rumi 8:18

Isaya 9.7

Lochne gi kuwe ok nowe medore ameda kuom komruodh Daudi, kendo kuom piny ruodhe, mondo omiye tegno, kendo sire gi bura kod tim makare nyaka a kawuononi nyaka chieng'. Jehova mar ogendini mag lueny notim ma kuom kindane.

Isaya 45.9, 10-13

Yaye, jal mapiem kod Jachwechne! . . . Yaye, jal mako ni wuon mare ni Inyuolo ang'o? kata mawacho ni dhako ni, Inyuol ang'o giri? Jehova, Ng'a Maler mar Israel, Jachwechne, owacho kama: Penja kuom weche mabiro timore; chikauru gik ma datim ni

yawuota, kod tich lueta. Asechweyo piny, dhano mantie asechweye: An asevaro polo, kendo asechiko oganda duto ma gingo. Aseting'e malo gi tim makare, kendo anami yorene duto bedo mochikore tir . . .

Daniel 7.14

Nomiye loch gi duong' kod piny ruoth, ni mondo ogendini duto gi libembini kod ji ma dhogi yore, gitine: lochne en loch ma nyaka chieng' ma ok norum, kendo piny ruodhe en ma ok nokethre.

Mako Chikne

Zaburi 72.11

Ee, ruodhi duto nopodh e nyime: Ogendini duto notine.

*Kar Thone, Gi Kaka Ne Obiro Tho
To Gi Chierne Ne Okor Chon*

Mathayo 20.18, 19

Neuru, waidho wadhiyo Jerusalem, to Wuod dhano ibiro chiwo e lwet jodolo madongo gi jondiko, kendo gining'adne bura mondo otho. Eka ginikete e lwet jo ma ok jo Yahudi mondo gichare, kendo gichwade, kendo gigure; to chieng' mar adek nochiere.

*Konyini Nyiso Ni Richo Rach
Ahinya E Nyim Nyasaye*

1 Petro 3.18

Nikech Kristo bende noneno masira dichiel nikech richo, ng'at makare nikech jo ma ok kare,

mondo okelwa ir Nyasaye. Noneg ringre; to chunye nomi bedo mangima.

Jo Galatia 1.3, 4

... Ruodhwa Yesu Kristo, ma nochiwore owuon nikech richowa, ni mondo oreswa a e piny marach mar ndaloni, kaka Nyasaye Wuonwa dwaro.

1 Johana 3.16

Ma e mwaseng'eyogo hera, nikech noweyo ngimane nikech wan

1 Jo Korintho 1.18

Nikech wach msalaba en fuwo ni jo ma lal, to en teko mar Nyasaye ni wan mireso.

Fweny 1.5

... To kuom en moherowa, kendo nogonyowa e richowa gi rembe.

1 Petro 2.6, 7

... Neuru, aketo e Sayun kidi moyier, moriwo kor ot, ma omi duong', kendo ng'a ma yie kuome, wiye ok nokuodi. Un ma uyie, obedonu duong'....

Jo Efeso 2.13

To koro, e Kristo Yesu, un ma yande ubedo ku mabor osekelou machiegni kuom remb Kristo.

Jo Hibrania 10.19, 20

E momiyo, ... koro wan gi chir mwadonjogo Ka Maler kuom remb Yesu; wadonjo gi yo ma-

nyien kendo mangima, ma Yesu noyawonwa....

Jo Hibrania 13.20

... jo motho kuom teko mar remb muma mochwere....

Jo Kolosai 1.20

Kendo noyiero mondo, kuom Kristo....

2 Timotheo 3.15

Nikech nyaka ia e nyathi ning'eyo Ndiko Maler ma nyalo miyi riekono ma kelo warruok e yor yie kuom Kristo Yesu.

Wuon Kisera Manyo Jakony

Luka 19.10

Nikech Wuod dhano obiro ni mondo odwar kendo ores jo molal.

KRISTO NOLOYO THO MAR ARIYO GI GEHENA MONDO OWARA AA KUOMGI

17

Ne Awinjora Gi Tho Mochwere

Ezekiel 18.4

... ng'a maketho enotho.

Jo Rumi 5.12

Kaka richo nobiro e piny kuom ng'at achiel, kendo tho nobiro e piny kuom richo, kamano bende tho nobiro ni ji duto, nikech ji duto ne otimo richo.

Jo Rumi 6.23

Nikech misach richo en tho

Tho Ne Olona

2 Timotheo 1.8-10

Omiyo, kik wiya kuodi kod timo neno mar Ruodhwa, kata kik wiya kuod koda, an ng'ate motue; to kuom teko mar Nyasaye, yie neno

masira kodwa nikech Wach Maber. Nowarowa kendo noluongowa mondo wabed jo maler, ok nikech wasetimo gimoro maber, to kuom dwarone kod ng'wonone. A nyaka nene nochano mondo wayud ng'wonono kuom Kristo Yesu, to koro oseele kuom fwenyruok mar Jawarwa Kristo Yesu e piny. Kristo e mosetieko tho, kendo osenyisowa ratiro kuom Wach Maber ni ngima ma nyaka chieng' nitie.

Kendo an e Jal mangima. Ne atho, to koro angima nyaka chieng'. An gi rayaw mar tho, kod mar Kar Jo Motho. —Fweny 1.18

18 ROUTH NE OCHIWO WARRUOK NONO NE JI DUTO MADWARE GI CHUNY GI DUTO

Johana 10.11

An e jakwath maber. Jakwath maber oweyo ngimane nikech rombe.

2 Petro 3.9

Ruoth ok odeko kuom chopo singruokne, kaka jo moko neno; to onano kodu, kendo ok odwar mondo ng'ato otho, to mondo ji duto olok chunyi.

Tich Joote 10.43

Jonabi duto nyiso kuome, ni kuom nyinge, ng'ato ka ng'ato moyie kuome, owene richone.

1 Jo Korintho 15.3

Kristo notho nikech richowa kaka nondiki.

Tich Joote 20.28

... kanisa mar Nyasaye, ma nong'iewo gi remb Wuode owuon.

2 Jo Korintho 5.15

Kendo notho ni ji duto, mondo jo mangima kik obed mangima ni gin giwegi, to ni en ma nothonigi, kendo nochiernigo.

Yeremia 29.13

Unudwara kendo ununwang'a, ka udwara gi chunyu duto.

Zaburi 45.6, 7

Kom ruodhi en kom ruodh Nyasaye nyaka chieng'; kendo luth mar pimo tim mowinjore en ludh piny ruodhi. Isehero tim matir, kendo isesin gi richo

1 Jo Korintho 6.9

Koso ok ung'eyo ni jo ma ok kare ok nocham gikeni mag piny-ruodh Nyasaye?

Jo Rumi 8.5-9

Nikech jogo ma ringruok chiko, paro weche mag ringruok, to jogo ma Roho chiko, paro weche mag Roho. Paro weche mag ringruok en tho; to paro weche mag Roho en ngima kod kuwe. Nikech

ng'ato ma paro weche mag ringruok mon gi Nyasaye, nimar ok owinj Chik Nyasaye, kendo ok onyal winje; kendo jogo ma ringruok chiko ok nyal long'o ni Nyasaye. Un to, ringruok ok chiku, to Roho e ma chikou ka Roho mar Nyasaye odak e iu. Ka ng'ato onge gi Roho mar Kristo, ok en ng'ate.

Jakobo 4.4

Un chwo gi mon ma terore, ok ung'eyo koso, ni ka umako osiep gi piny, utimo sigu gi Nyasaye? Ng'ato ka ng'ato ma dwaro bedo osiep piny otimore wasik Nyasaye.

Ngeche 28.13

Ng'a maumo richone ok noyud hawi; to ng'a mahulogi, mi owe-yogi, nokeche.

1 Johana 4.16

Wang'eyo, kendo wasegeno hera ma Nyasaye ni go kuomwa. Nyasaye en hera, kendo ng'a ma siko e i hera osiko e i Nyasaye, kendo Nyasaye osiko e iye.

Johana 1.12

To giduto ma norwake, nomiyo-gi teko mondo gibed nyithind Nyasaye

Johana 13.20

... kendo en ma rwaka, rwako Jal ma noora.

Tich Joote 8.36, 37

Kendo ka ne giwuotho e wang'yo, ne gitundo e pi moro; mi ng'atno nowacho niya, Ne! pi e; ang'o ma disind batisa? Filipino nowacho niya, Kiyie gi chunyi duto, to onyalore.

1 Jo Korintho 2.5

Mondo yie maru kik obed e rieko mar dhano, to e teko mar Nyasaye.

Johana 8.31

Yesu nowacho ni jo Yahudi ma noyie kuome ni, Un kusiko e wachna, eka unubed jopuonjrena adier.

WARRUOK EN WINJRUOK MANGIMA KOD 21 KANYAKLA GI KRISTO

Jo Efeso 3.19

Kendo ung'e hera mar Kristo modhierore ng'eyo, mondo opong'u uchopi chuth e kit Nyasaye.

Jo Rumi 8.10

To ka Kristo ni e iu, ringreu en gi motho nikech ne un joricho, to chunyu yudo ngima nikech oseketu kare kod Nyasaye.

Johana 10.26-28

To un ok uyie nikech ok un e kuedh romba, kaka nawachonu, Romba winjo dwonda, kendo an ang'eyogi, kendo giluwaga; kendo

an amiyogi ngima mochwere; ok ginilal nyaka chieng', kendo ongen'ato ma nyalo mayagi e lweta.

2 Timotheo 1.12

Mano e momiyo aneno masira kama, to wiya ok kuodi, nimar ang'eyo Jal ma aseylie kuome, kendo aonge gi kiawa ni gino ma asemye onyalo ritona nyaka chop Chieng'no.

1 Petro 4.19

E momiyo jogo ma neno masira kaka Nyasaye dwaro, mondo gisik ka gitiyo maber, kendo gichiw chunyi ni Jachuech kaka ni ng'at migeno.

OWARWA WA AYE RICHO KENDO WABEDO THUOLO GI RUOTH

1 Johana 5.5

Ng'ano ma loyo piny, mak mana en ma oyie ni Yesu en Wuod Nyasaye?

Johana 1.13

Nonywolgi, ok kuom remo, kata kuom dwaro mar ringruok, kata kuom dwaro mar dhano, to mana kuom Nyasaye.

Johana 8.32

Kendo unung'e adiera, kendo adiera nomiu bedo thuolo.

Jo Rumi 6.18, 22

Mi kosegonyu a e richo nudoko wasumb wach makare. . . . To koro kosegonyu a e richo, kendo

un wasumb Nyasaye, uyudo ohala mondo ubed jo maler, kendo gikone en ngima ma myaka chieng'.

2 Jo Korintho 3.17

To Ruoth e Roho: kendo ka ma Roho mar Ruoth nitie, e ma thuolo nitie.

Johana 8.36

Omiyo ka Wuowi omiyou thuolo, eka unubed thuolo adier.

Jo Galatia 5.1

Kristo osegonyowa mondo wabed gi thuolo ma kamano. E momiyo chunguru matek, kendo kik uyie orwak ng'utu e lodi mar tich misumba kendo.

Fweny 1.5, 6

... To kuom en moherowa, kendo nogonyowa e richowa gi rembe, komiyowa doko jo pinyruodhe kendo jodolo mag Nyasache kendo Wuon mare, duong' kod teko obedne nyaka chieng'. Amina.

1 Jo Korintho 6.2

Koso ok ung'eyo ni jo maler nong'ad bura ni piny?

1 Jo Korintho 6.9-11

Koso ok ung'eyo ni jo ma ok kare ok nocham gikeni mag pinyruodh Nasaye? Kik uwuondru; jochode, kata jolam nyiseche manono, kata jo ma terore, kata chwo ma terore gi chwo, kata jokuo, kata jogombo, kata jomer,

kata joyenyo, kata jomecho, ok ginicham gikeni mag pinyruodh Nyasaye. Jo moko kuomu ne uchalo ka jogi, to nolwokou, nopwodhou, noketou kare e nying Ruoth Yesu, kuom Roho mar Nyasachwa.

Isaya 62.3

Inibedi bende kaka kondo maber maler e luet Jehova, kaka osimbo mar ruoth e luet Nyasachi.

Duong' Miwuoro

Johana 17.21

Mondo giduto gibed achiel, kaka in, Wuora, in e iya, kendo an bende an e iyi, mondo gin bende gibedi e iwa

Zaburi 145.18

Jehova chiegini ni ji duto ma luongo nyinge, ni ji duto ma luongo nyinge gadiera.

2 Jo Korintho 6.16

Kata hekalu mar Nyasaye ni gi winjruok manadi kod nyiseche manono? Nikech wan e hekalu mar Nyasaye mangima; kaka Nyasaye nowacho niya, abiro dak e igi, kendo nawuothi e diergi, nabed, Nyasachgi, to ginibed joga.

1 Petro 4.13

To moruru kaka jo moriwore gi Kristo e masiche, mondo ubed kod mor gi ili ka duong'ne noel.

1 Johana 1.3

Mano mwaseneno kendo winjo e ma wanyisou, mondo un bende ulalre kodwa. To walalre gi Wuoro, kendo gi Wuode Yesu Kristo.

Isaya 43.2

Ka ikadho e pi, nabed kodi; kata e aore, ok gininyimi: kiwuotho e dier mach, ok nowang'i; kendo ligek mach ok nomok kuomi.

Johana 17.23

An e igi, kendo in e iya, mondo omigi bet achiel chuth; mondo piny ong'e ni niora, kendo ni niherogi kaka nihera.

WINJRUOK E KIND KRISTO GI JO MOYIE 25

Johana 14.20

Chieng'no un nung'e ni an e i
Wuora, kendo en e iya, kendo an e
iu.

*Dwach Wa Mokuongo Chikne
Mogik*

Fweny 22.17

To Roho gi Miaha wacho ni, Bi!
Kendo ng'a mowinjo, mondo
owach ni, Bi! Kendo ng'a ma riyo
omako, obi, mondo oyud pi mar
ngima nono.

Mathayo 28.19, 20

E momiyo dhiuru utim ogendini
duto jopuonjrena, kubatisogi e ny-
ing Wuoro gi Wuowi gi Roho

Maler; kupuonjogi rito weche
duto ma nachikou; kendo neuru,
an kodu ndalo duto nyaka giko
mar ndalo.

*Tim Makare Mar Jo Maler E Tim
Makare Mar Kristo Modak E Igi*

Jo Kolosai 1.27

Nyasaye ne dwaro mondo joge
ong'e kaka wach ma noumno ni
kod duong' miwuoro e kind jo ma
ok jo Yahudi. Wach ma noumno e
ma: ni Kristo odak e iu, en geno ni
wanadonj e duong'ne.

Jo Rumi 10.4

Kristo en giko mar Chik, ni
mondo ji duto ma yie odok
makare.

MIWAFU MIWORO, HERA MIWORO GI NG'WONO MIWORO!

Opak Nyasaye, Wuon Ruodhwa Yesu Kristo. Kuom kechne maduong' nonywolowa nywol man-yien mondo wabed gi geno mangima nikech chier mar Yesu Kristo a kuom jo motho. —1 Petro 1.3

Jo Hibrania 4.16

E momiyo, wasuduru e nyim kom mar Nyasachwa mang'won ka wan gi chir, mondo okechwa, kendo wayud ng'wono ma konyowa, e kinde mowinjore.

Jo Efeso 2.4-7

To Nyasaye, mogundho gi kech, kuom hera maduong' ma nohero-wa godo, nomiyowa doko mangima kaachiel e Kristo, kata ka ne

wabedo jo motho nikech kethowa. Oresou kuom ng'wono. No-chierowa kaachiel kode, kendo nomiyowa bedo kaachiel kode e polo e Kristo Yesu, mondo e ndalogo mochwere onyis mwandu ma ok por mar ng'wonone kuom ber motimonwa e Kristo Yesu.

Kendo kuseneno masira kinde matin, Nyasach ng'wono duto ma noluongou e duong'ne mochwere e Kristo, en owuon nolosu, nomiu chung' matek, notegu, kendo no-ketu e mise maber. —1 Petro 5.10

To oketgi kare nono nikech ng'wonone kuom warruok manie Kristo Yesu. —Jo Rumi 3.24

Jo Galatia 4.4, 5

To ka ndalo nogik kare, Nyasaye nooro Wuode ma dhako nonywolo, nonywole e bwo Chik, mondo owar jo manie bwo Chik, ni mondo omiwa doko yawuowi.

1 Johana 3.1

Mano doko hera manadi ma Wuoro osechiwonwa, ni oluongwa nyithind Nyasaye!

Jocham Gikeni Mar Nyasaye

Jo Galatia 4.6, 7

Nikech un yawuowi, Nyasaye nooro Roho mar Wuode e chunywa, ma ywak ni, Abba! Wuora! E momiyo ok pod in misumba, to in wuowi; kendo ka in wuowi, eka

in jacham gikeni bende kuom Nyasaye.

Fweny 21.7

Ma e gir keni mar ng'a molocho; kendo anabed Nyasache, to enobed wuoda.

Jo Rumi 8.17

To ka wan nyithindo, wan jocham gikeni bende; jocham gikeni mar Nyasaye, kendo jocham gikeni kaachiel gi Kristo, ka obet ni waneno masira kode mondo wayud duong' kode bende.

Jo Galatia 3.29

To ka un mag Kristo, eka un koth Ibrahim, kendo un jocham gikeni mar singruokno.

NYASAYE NOCHUEYO YAWUOTE MACHAL KODE

Jo Rumi 8.28, 29

Kendo wang'eyo ni gik moko duto tiyo kaachiel ni jo ma ohero Nyasaye, e jogo moluong kaka Nyasaye ne dwaro. Nong'eyogi chon, kendo nowalogi chon mondo ologi machal gi kit Wuode, mondo Wuode obed ma kayo kuom owete mang'eny.

Tiyo Kaka Kristo

Luka 22.27

To an e kindu kaka ng'at ma tiyo.

Bedo Ja Ng'wono

Luka 23.34

Yesu nowacho niya, Wuoro, weni; gikiya gi ma gitimo.

*Bedo Ng'ama Muol Kendo
Makelo Winjruok*

2 Jo Korintho 10.1

An Paulo awuon, ahombou kuom muolo gi ng'wono mar Kristo

Wouthe E Hera Kristo

Johana 15.9

Kaka Wuoro osehera, e kaka an bende aseherou. Sikuru e herana.

Lando Injili E Piny Mangima

Johana 20.21

Yesu nowachonigi kendo ni, Okuweuru. Kaka Wuora noora, e kaka an bende aorou.

1 Jo Thessalonika 2.12

Ne wajiwou, ne wahoyo chunyu, kendo ne wachikou mondo uwuoth mowinjore ni Nyasaye, ma luongou udonj e pinyruodhe, kendo e duong'ne.

2 Johana 9

Ng'ato ka ng'ato ma kalo puonj mar Kristo, kendo ok osik e puonjne, ok en gi Nyasaye. Ng'a ma siko e puonj Kristo en gi Wuoro, kendo en gi Wuowi.

*Kristo Biro Bedo Gi Jakony Ma
Ok Nyal Maye*

Jakobo 1.12

Ng'a moguedhi en jalo ma nano kite me; nikech koseloyo temruok,

noyud osimbo mar ngima, ma Ruoth nosingo ni jogo mohere.

Luka 6.47, 48

Ng'ato ka ng'ato ma biro ira, kendo ma winjo wechena, kendo timo, ananyisu ng'at mochalgo. Ochal gi ng'ato ma gero ot, ma nokunyo odhi matut, kendo noke-to mise e wi lwanda. Ka ne ohula obiro, pi nogoyo odno, to ok nonyal yienge, nikech nogere maber.

Kendo Gombo Bedo Bute

Tito 2.13

Warit gueth mwageno yudo, ma en fwenyruok mar duong' maler mar Kristo Yesu, Nyasachwa ma-duong' kendo Jawar.

Jo Efeso 2.8-10

Nimar oresou gi ng'wono kuom yie. To un ok e ma umiyo mano otimore; en mich Nyasaye. Ok oa kuom tim ma ng'ato timo, mondo kik ng'ato opakre. Nikech wan e chuech Nyasaye ma nochueyo e Kristo Yesu ni tich mabeyo, ma Nyasaye noiko chon mondo watum.

Jo Efeso 3.20, 21

To duong' obed ni en manyalo tiyo ahinya moloyo duto mwakwayo kata mwaparo, nikech tekone ma tiyo kuomwa, duong' obedne e kanisa kendo kuom Kristo Yesu e tienge duto nyaka chieng'. Amina.

1 Jo Korintho 2.5

Mondo yie maru kik obed e riekko mar dhano, to e teko mar Nyasaye.

*Ibiro Los Maber Kendo Mogik
Kuome*

Nyaka wan duto wachopi e bedo achiel e yie, kendo e ng'eyo Wuod Nyasaye, nyaka wabedi motegno chutho, moromo rapor mogik ma en Kristo. —Jo Efeso 4.13

Nikech gigo duto ma miyo Nyasaye bedo Nyasaye odak e Kristo adier, kendo kubedo e Kristo, un kod gik moko duto te. En e mobedo wi loch duto, gi teko duto. —Jo Kolosai 2.9, 10

*Ango Mochuno Jaler Ma Malaika
Kulorene Hero Ngat Mose Ng'anjo?*

Jo Hibrania 1.6

To ka Nyasaye kelo Wuode makayo e piny owacho niya, Malaika duto mag Nyasaye mondo olame.

Ngeche 8.31

... Mi namor gi yawuot ji.

Jo Rumi 7.4

... un bende usetho ni Chik nikech un kuom ringre Kristo, ni mondo ubed mag ng'at machielo, en Jal mochier oa kuom jo motho, ni mondo wanyak ni Nyasaye.

Jo Rumi 12.4, 5

Kaka wan gi fuonde mang'eny e ringruok achiel, to fuonde duto

ok ti tich achiel, e kaka wan, wang'eny, to wabedo ringruok achiel e Kristo, kendo waduto wan fuonde mag jowadwa.

Dhano Yudo Ngima Kuome

1 Johana 5.12

Ng'a man gi Wuowi en gi ngima, to ng'a ma ok ni gi Wuod Nyasaye ok en gi ngima.

Nohero Dhano Chuth

Jo Rumi 8.32

En ne ok oweyo kata Wuode owuon, to nochiwe nikech waduto, ka ok ogeng'one masiche; nowe nadi ma ok ochiwonwa gik moko duto kaachiel kod Wuode?

*Bedo Kanyakla E Kom Duongne
Gi Jakony*

Fweny 3.21

To ng'at molocho anamiye bet koda e kom duong'na, kaka an bende nalocho, kendo abet kod Wuora e kom duong'ne.

Dala Ruoth Gi Miaha

Jo Hibrania 11.16

To koro gigombo piny maber moyo, tiende ni, mar polo. E momiyo, Nyasaye wiye ok kuodi kiluonge ni Nyasachgi, nikech oseikonigi dala.

Fweny 3.12

To ng'at molocho, anatieme siro e Hekalu mar Nyasacha, mi ok

nowuog oko kendo ngang'; kendo nandik kuome nying Nyasacha, kod nying dalane, ma en Jerusalem manyienno, ma lor piny koa e polo kuom Nyasacha

Fweny 21.2

To naneno dala malerno, Jerusalem manyien, koa e polo ka Nyasaye, koikore kaka miaha ikore ni chwore.

Fweny 22.14

Gin jo moguedhi ma lwoko nenggi maler, mondo gibed gi thuolo mar chamo yadh ngima, kendo mar donjo e dharangeye mag dala.

Luka 16.11

E momiyo ka ok usebedo jo adier kuom mwandu ma ok kare, ng'ano ma nogenu kuom mwandu madier?

2 Jo Korintho 8.9

Ung'eyo ng'wono mar Ruodhwa Yesu Kristo, ni kata ne en gi mwandu, to nodoko jachan nikech un, mondo kuom chan mare udok jomwandu.

Jakobo 2.5

Owetena mahero, winjuru. Nyasaye ok noyiero jogo ma jochan e piny koso, mondo gibed jomwandu kor ka yie, kendo jocham gikeni mag pinyruoth ma nosingo ni jogo mohere koso?

Fweny 2.9

Ang'eyo chandruok mineno, kod chan mari (to iramoko) . . .

Masich Mwandu Mag Piny

1 Timotheo 6.17-19

Chik jomwandu mag pinyni mondo kik gibed jong'ayi, kendo kik gigen mwandu ma onge kore, to gigen Nyasaye ma miyowa gik moko mogundho mondo wamorgo. Chikgi gibed jo ma timo maber, mondo gibed jomwandu mag timbe mabeyo, gibed mang'won, giyie pogo ni jowetegi gik ma gin go. Kamano ginikan mwandu ma nobed mise maber e ndalo ma biro, mondo giyudgo ngima ma en ngima maradier.

Jo Filipi 3.21

En nolok ringrewa mar dhierni obed machal kod ringre man gi duong', kotiyoy gi tekone monyalo ketogo gik moko duto e bwo lochne owuon.

Jo Kolosai 3.4

Ka Kristo, ma en ngimawa, biro nenore, un bende ubiro nenore kode e duong'.

Jo Efeso 3.6, 8

Wach ma noumno e ma: ni kuom Kristo Yesu, jo ma ok jo Yahudi gin jocham gikeni kaachiel kod jo Yahudi, giduto gin fuonde mag ringruok achiel, kendo giduto gikawo singruok e yor Wach Maber... An ng'a matin

ahinya moloyo jo maler duto, to nomiya ng'wononi mondo ayal ni jo ma ok jo Yahudi Wach Maber mar mwandu mak por mag Kristo.

Tich Joote 20.32

To koro, aketou kuom Nyasaye, kendo kuom wach ng'wonone, ma nyalo dongou, kendo miyou gir keni kaachiel gi ji duto mopwodhi.

Jo Kolosai 1.12, 13

Gouru erokamano mamor ni Wuoro mosemiyo ubet jo mowinjore chamo gikeni mage kaachiel gi jo maler e pinyruodh ler. Noresowa a e pinyruodh mudho kendo noterowa e pinyruodh Wuode mohero.

Zaburi 40.16

Jogo duto ma dwari, yie mondo giyil ahinya kendo mor kuomi: Jogo mohero resrwokni, giwach-nga pile ni, Jehova oyudi duong' molojo.

Zaburi 32.11

Un jo matir, moruru kuom Jehova, kendo yiluru ahinya: Kendo koguru kuom yilo, un duto ma chunyu oluwo tim matir.

Zekaria 9.9

A nyar Sayun, bedi mamor ahinya; go koko, in nyar Jerusalemu: neuru, ruodhu biro iri: en kare, kendo en wuon warruok . . .

Jo Filipi 4.4

Moruru pile kuom Ruoth; kendo amedo wacho ni, moruru.

2 Jo Korintho 4.17

Nikech masichwa matin, ma kadho piyo, losonwa duong' mochwere modhiero poro.

Zaburi 5.11

To jogo duto mogeno kuomi mondo giyil ahinya, mondo gikogi yilo nikech iritogi: Jogo bende mohero nyingi mondo giyil kodi.

Luka 10.20

To kik umor nikech wachni, ni jochiende winjou; to moruru nikech nyingu ondik e polo.

Ngeche 8.36

To ng'a ma ok yuda oketho chunye owuon: Ji duto masin koda hero tho.

Jo Hibrania 12.25

Ritreuru mondo kik utamru winjo dwond jal ma wuoyo kodu. Jo ma notamore winjo dwond jal ma ne nyisogi wach Nyasaye e piny, ne ok otony; wan to, wana-tony nadi ka wadagi winjo Jal ma wuoyo kodwa gi dwol moa e polo?

Luka 13.24, 25

Keduru mondo udonji e dho ot madiny; nikech akonu ni ji mang'eny nodwar donjo, to ok

gininyal, Ka jaduong' ot osechungo, kendo ochiego dho ot, nuchak chung' oko, kendo dwong'o dho ot kuwacho niya, Ruoth, yawnwa; eka nodwoku ni, Akiyau ku muae.

Weyo Nguono Nyalo Kelo Mirima

2 Jo Thessalonika 2.10-12

Kod wuond duto marach miwuondogo jo ma lal. Gilal nikech gidagi hero adiera ma di migi kwo. E momiyo Nyasaye ooronigi chunye ma wuondi ji, mondo giyie miriasia, eka mondo ong'ad bura ni ji duto ma ok oseyeie adiera, to osehero richo.

Opong' Gi Richo, Ong'ad Bura

Johana 3.18

Ng'a ma yie kuome bura ok oloye; ng'a ma ok oyie, bura oseloye, nikech ok oyie kuom ny-ing Wuowi ma miderma mar Nyasaye.

Jo Hibrania 10.26, 27

Ka wasiko watimo richo mar ayiem, bang' ka waseng'eyo adiera, onge misango moro ma pod odong' migologo richo, mak mana kibaji maduong' miritogo bura kod mach mager

Ong'ad Bura Gi Wach

Ng'ato ma daga, ma ok oyie

wechena, en gi jang'adne bura; wach masewacho e ma nong'adne bura chieng' giko. —Johana 12.48

Oher Kendo Idwaro Ahinya

1 Johana 4.9

Kuom ma hera mar Nyasaye nofwenyore e iwa, ni Nyasaye nooro Wuode ma miderma e piny, mondo wabed mangima kuome.

Fweny 22.17

To Roho gi Miahaha wacho ni, Bi! Kendo ng'a mowinjo, mondo owach ni, Bi! Kendo ng'a ma riyo omako, obi, mondo oyud pi mar ngima nono.

En Fuwo Mondo Ibedie E Chandruok Manyaka Chieng Gi Satan Moloyo Kada Ibede E Mor Mokalo Awacha Gi Kristo E Kom Ruodhe!

Zaburi 53.1

Ng'a mofuwo osewacho e chunye ni, Onge Nyasaye. Girochore, kendo gisetimo tim modwanyore marach; onge ng'ato ma timo maber.

Mathayo 7.26, 27

Kendo ng'ato ka ng'ato ma winjo wechenagi, to ok tim, enochal gi ng'at mofuwo mogero ode e wi kuoyo. Koth nochue, mi ohula nobiro, kendo yamo nokudho,

mogoyo odno; mi nopodho, kendo podhone ne duong.

Luka 11.39, 40

Ruoth nowacho niya, Koro un jo Farisai, ulwoko maler ng'e agwata gi ng'e tawo; to iu to opong' gi mecho kod richo. Ufuwo; Jal ma nochueyo ng'eye, ok e ma nochueyo iye bende koso?

Yeremia 17.11

Kaka aywer ochoko nyithindo ma en owuon ok nonyuolo, e kaka jal obet machoko mwandu, e yo ma ok kare; mwandune nolalne ka podi ongima, kendo ka ndalone ogik nobedi ng'a mofuwo.

GEHENA EN KAR CHOKRUOK MARJOMA OK 39 JO NYASAYE

*Kama Jok Motamore Ruodh Nyalo
Dhiye Te*

Jo Hibrania 6.8

To ka onyago mana kudho kod otagalo, ikwane ni oonge ohala; Nyasaye chiegni kuong'e, kendo gikone ni nowang'e.

Mathayo 13.41-42

Wuod dhano noor malaikane, mi ginichok gik moko duto ma kelo chwanyruok, kod ji duto ma timo maricho, kendo ginigolgi oko e pinyruodhe, mi giniwitgi e mach maduong' maliet mager; kanyo ywagruok nobedie, kod muodo lak.

To yich sandgi nodum nyaka chieng', kendo otieno godiechieng' ok nobedie yueyo kuom jogo ma lamo Ondiek gi gi maket kode, kata ng'ato ang'ata moyudo kido mar nyinge. —Fweny 14.11

Jo Filipi 3.18, 19

... gin wasik msalaba mar Kristo. To gikogi notiekgi chuth. . .
Nyasaye Ohikore Mar Timo Honni Mondo Kik Wadonji E Gehena, Kaka Gengo Nwa Richo, Tieko Tho Manyaka Chieng Gi Chier Kendo Mondo Wayud kuome Loch Mondo Wabed Mangima. Machielo En Loko Jaricho Mawe Ng'anjo Moyud Chuny Manyien Mar Hero Kristo.

40 ROUDH ROUDHI BIRO KETO SATAN E JELA KAKA OHERO

Fweny 20.1-3

Eka naneno malaika koa e polo koting' o rayaw mar Bur Matut gi ratego maduong' e lwete. Nomako Thuol, Thuol machonno, miluonngo ni Jachien kendo Satan, mi notueyogo higini gana achiel. Nowite e Bur Matut, kendo noloro dho burno, moketo kido kuome mondo kik Thuol ochak owuond ogendini, nyaka higini gana achielgo rum; to bang'e onego gonye kuom kinde matin.

Fweny 20.7, 10

To ka higini gana achielgo orumo, nogony Satan oa e bur motue-

yee. . . Kendo Satan ma nowuondogi ne owit e ataro mar ligek mach, ka ma Ondiek gi Janabi Mariambo nowitie bende; kanyo nosandgie odiechieng' gi otieno nyaka chieng'.

Loch Manyaka Chieng' Ewi Jachien

Jo Hibrania 2.14

E momiyo, kaka nyithindogo ni gi ringruok mar dhano, e kaka Yesu bende nokawo ringruok mar dhano. Notimo kamano mondo kuom thone oketh loch mar jal man gi teko mar tho, tiende ni Satan.

YIER NG'A IBIRO TIYONE NYAKA CHIENG SANI

41

Mathayo 6.24

Onge ng'ato ma nyalo tiyo ni ruodhi ariyo; nikech enosin gi moro kendo noher machielo, kata nopadre kuom moro kendo nocha machielo. Ok unyal tiyo ni Nyasaye kendo ni mwandu.

*Iluwo Satan Nyaka Jela Koso Iluwo
Ruodh Ruodhi Nyaka E Kom
Duong'ne Mochwere?*

Johana 8.34-36

Yesu nodwokogi niya, Adier, adier, awachonu, ng'ato ma timo richo en e misumba richo. Misumba ok bedi e ot ndalo duto, to wuowi obedo ndalo duto. Omiyo

ka Wuowi omiyou thuolo eka unubed thuolo adier.

Tich Joote 26.18

Mondo iyaw wang'gi gia e mudho gidhi e ler, kendo gia e teko Satan gidhi ir Nyasaye, mondo ka giyie kuoma to owenigi richogi, kendo giyud gikeni kaachiel gi jo mosedoko jo maler.

Fweny 21.8

To ngoche, jo ma ok oyie, gi jo modwanyore, kod jonek, gi jo ma terore, gi jojuogi, gi jo ma lamo nyiseche manono, kod jomiriambo duto, kargi nobed ataro ma liel gi ligek mach; Ma en tho mar ariyo.

Johana 4.10

Yesu nodwoke niya, Ka da ing'eyo mich mar Nyasaye, kendo ni en ng'ano ma owachoni ni, Miya pi amodhi, in da, ikwaye, kendo domiyi pi mangima.

Fweny 7.17

Nikech Nyarombo manie dier kom duong' tir nobed jakwadhgi. Kendo notelnigi e sokini mag pi ngima, to Nyasaye noywe pi wang'gi duto.

Fweny 22.1-3

Eka nonyisa aora mar pi mar ngima, pi maler ka krustal, ka mol a e kom duong' mar Nyasaye gi

mar Nyarombo; pigno luwo e dier yo mar dalano. Kendo e teng aora koni gi koni nitie yath mar ngima ma nyago olembe kido apar gariyo; to olembego chiek due ka due; kendo pot yadhno en mar thiedho ogendini. Gi ma okwedi ok nobedie kendo; to kom duong' mar Nyasaye gi mar Nyarombo e mantie kanyo, kendo jotichne nolame.

Johana 7.37

To chieng' giko mar Sawo, ma e chieng' maduong' mar Sawo, Yesu nochung', nokok kowacho niya, Ng'ato ma riyo omako, ber mondo obi ira, omodhi.

Mathayo 6.33

Dwaruru mokwongo pinyruodhe, gi wachne makare; eka mago duto nomednu.

Rapar Mar Chik 4.29

To koyudo udwaro Jehova Nyasachi gi kanyono, niyude, kobedo ni idware gi chunyi duto kendo gi iyi duto.

Ngeche 8.17

Ahero jogo mohera, kendo jogo modwara gi kinda nonwang'a.

Hosea 10.12

Chwouru uwegi gi makare, kau-ru kuom miwafu; pururu mbora:

nikech kare ogik mar dwaro Jehova, nyaka obi kendo oolnu gi makare.

Luka 11.9

An bende awachonu ni, kwauru, eka nomiu; dwaruru, eka ununwang'; dwong'uru, eka noyawnu.

Isaya 55.6

Dwaruru Jehova ka podi kinde nitie minyalo yudego, luong nyinge ka pod ochiegini.

Zaburi 86.12

Napaki, A Jehova Nyasacha, gi chunya duto; kendo nami nyingi duong' nyaka chieng'.

44 SAWO MADUONG' — NYASAYE OYUDO JAKONY

Fweny 21.9-11, 22-24

... Bi ka eri, anyisi miaha, chi Nyarombo. Eka, ka an e i Roho, malaikano notera malo e got maduong' kendo mabor; nonyisa Jerusalem, dala maler, kolor oa e polo ka Nyasaye. Ne en gi duong' mar Nyasaye, kendo lerne rieny kaka kidi ma nengone tek, ka jasper, maler kaka krustal. ... To ne ok aneno Hekalu e i dalano, nikech Ruoth Nyasaye Manyalo Duto gi Nyarombo gin Hekalune. Kendo dalano ne ok dwar wang' chieng' kata due mondo orienyie, nikech duong' mar Nyasaye e lerne, kendo Nyarombo e tache. To ogendini mag piny nowuoth e

lerne; kendo ruodhi mag piny nokel duong'gi e i dalano.

Fweny 19.6, 7-9

... Haleluya! Nikech Ruoth Nyasaye Manyalo Duto olocho! Moruru, kendo iluru, kendo miyeuru duong'; nikech kend mar Nyarombo osechopo. Chiege osekore, kendo oseyiene mondo orwakre gi nanga mayom, maler kendo mapichni. Nimar nanga mayom en tim makare mag jo maler. Eka malaikano nowachona ni, Ndik kama: Jo moluongi e kiseram mar Nyarombo gin jo moguedhi. Nowachona bende niya, Wehegi e weche madier mag Nyasaye.

Chiwo Ne Luor

... to ketreuru e lwet Nyasaye
kaka jo mangima moa kuom jo
motho . . . —Jo Rumi 6.13

Ohero Woun Kisera

Ng'wono obed kod ji duto mo-
hero Ruodhwa Yesu Kristo gi
hera mak rum. —Jo Efeso 6.24

Achiel Kode

Nimar wan fuonde mag ringre.
—Jo Efeso 5.30

... mondo kuomgi udok jo ma
kawo kit Nyasaye. —2 Petro 1.4

Opong' Gi Teko Maler

Ma ok oketi kaka chik pinyni
dwaro, to kuom teko mar ngima
ma onge gi ma nyalo ketho.
—Jo Hibrania 7.16

Opong' Gi Hera Maler

To ng'a ma mako wachne, hera
mar Nyasaye olony kare e iye
adier. . . —1 Johana 2.5

Ler Ma Ok Otuong'ore

Jaherana, dendi duto long'o;
Onge mbala kuomi. —Wer Mamit
Moloyo Wende Moko 4.7

E momiyo, joherana, ka urito
wehegi, timuru teko mondo
onwang'u ka un gi kuwe, kuonge
mbala, kendo kuonge chilo e nyime.
—2 Petro 3.14

Obiro Bedo Gi Ng'uono

... genuru chuth ng'wonono ma
elruok mar Yesu Kristo biro
kelonu. —1 Petro 1.13

Fweny 17.14

Giniked kod Nyarombo, to Nyarombo nologi. Nikech en Jaduong' mar jodongo, kendo Ruodh ruodhi; to jogo man kode, moluongi kendo moyier, kendo jo maradier, nolochi kode.

2 Jo Thessalonika 2.8

Eka dhano ma chayo chik no-fwenyre, kendo Ruoth Yesu nonege gi muya moa e dhoge, kotieke gi fwenyruok mar birone.

Fweny 18.21

Eka malaika maratego noting'o kidi machalo gi pong' ma-duong' mobole e nam, kowacho

niya, E kaka Babulon, dala ma-duong'no, nonyumre e nam, mi ok nonene kendo ngang'.

Zekaria 14.12

To ma eni e tho ma Jehova nogogo ogendinigo duto ma no-kedo gi Jerusalem: ringregi notow mana ka pod gichungo e tiendegi, wengegi notow gi e kargi, kendo lewgi notow gi e dhogi.

1 Jo Korintho 15.24

Eka chieng' giko nochopi, ka enochiw pinyruoth ni Nyasaye Wuoro, kosetieko loch duto, gi teko duto, gi nyalo duto.

...Loch mar pinyini osedoko loch mar Ruodhwa, kendo mar Kristone, to enolochi nyaka chieng'.
—Fweny 11.15

Fweny 5.9, 10

...ji Moa e ogendini duto, gi dhok duto, gi dhoudi duto gi pinje duto; Mi nitimogi bedo jopinyruoth mar jodolo ma tiyo ni Nyasachwa, kendo ginibed gi loch e piny.

Fweny 20.4

...Naneno bende chuny ji ma nong'ad wigi nikech neno ma ne gitimo kuom Yesu, kendo nikech Wach Nyasaye; gin e jogo ma ne ok olamo Ondiek, kata gi maket kode, kendo ne ok oket kido e lela

wang'gi kata e luetigi. Ne gidoko mangima kendo, mi gilocho kod Kristo hignini gana achiel.

Mathayo 5.5

Mano mor manadi ni jo mamuol; nikech gininwang' piny ka girkeni margi.

Mathayo 6.10

Pinyruodhi mondo obi, Gi midwaro mondo otimre e piny kaka e polo.

Jo mochier e chier mokwongoni, gin jo moguedhi kendo maler. Tho mar ariyo onge teko kuom jo ma kamago, to ginibed jodolo mag Nyasaye kod mag Kristo, kendo giniloch kode kuom hignini gana achielgo.
—Fweny 20.6

48 NGIMA MANYAKA CHIENG' GI WOUN KISERA

*Adak Kanyakla Gi Nyasaye
Manyaka Chieng! Mano Mor!*

Zaburi 145.1

**Anadendi, Nyasacha, A Ruoth;
napak nyingi ndalo duto nyaka
chieng'.**

Johana 17.24

**Wuora, adwaro mondo, jogo mi-
miya, gin bende gibed koda ka ma
antie, mondo gine duong'na ma
nimiya**

Fweny 21.3, 4

**. . . Koro kar dak mar Nyasaye
ji ni go; Nyasaye nodag kodgi,
kendo ginibed joge, mi Nyasaye
owuon nobed kodgi. Kendo Nya-
saye noywe pi wang' duto e wen-**

**gegi; tho ok nobedie kendo, kata
ywak, kata nduru, kata rem ok
nobedie, nikech gik machon
osekadho.**

1 Jo Thessalonika 4.16, 17

**. . . jo motho kuom Kristo no-
chier mokwongo. Eka wan jo ma-
ngima modong', noterwa malo ka-
achiel gi jogo, e boche polo, mondo
warom ni Ruoth e kor polo; kama-
no wanabed gi Ruoth nyaka
chieng'.**

Fweny 22.5

**To otieno ok nobedie kendo;
taya ok nodwar, kata ler mar
wang' chieng'; nikech Ruoth Nya-
saye norienynigi, kendo ginilochi
nyaka chieng'.**

KRISTO OWACHO KAMA:

To ng'at molocho anamiye bet koda e kom duong'na, kaka an bende nalocho, kendo abet kod Wuora e kom duong'ne.

—Fweny 3.21

**Ei Kristo Olosa Ne Duong'
Jaler Luonga, Kendo Nyaka Adhi
Nyaka Loch!**



Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org